

PODRŠKA ŽENSKOM PODUZETNIŠTVU

Od septembra 2003. godine nakon uspješno implementiranog projekta u partnerstvu s Općinom Tuzla realizujemo Projekat „Izvaninstitucionalnog obrazovanja i doškologavanja u cilju razvoja socijalnog poduzetništva“.

Osnovni cilj projekta je u dugoročnoj orijentaciji obezbjeđenje samoodrživosti i poticaj samozapošljavanju. U februaru 2008. godine UHD „Priateljice“ su osvojile dvije nagrade austrijske Erste fondacije za ovaj projekat. Osvojena je novčana nagrada za 4. mjesto (od 402 aplicirana projekta NVO-a sa područja cijele Jugoistočne Evrope) te posebna nagrada za najbolju društvenu praksu.

NAŠI CILJEVI:

- Pružiti im mogućnost za sticanje dodatnih korisnih znanja i vještina koje im mogu pomoći da pokrenu sopstveni biznis ili da nađu novi posao
- Pomoći nezaposlenim ženama Tuzlanskog kantona da se zaposle na poslovima čišćenja i održavanja stambenih i poslovnih objekata

AKTIVNOSTI:

1. Kontinuirano sticanje vještina šivenja i krojenja, usvajanje kreativnih tehnika (slikanje svile, stakla, izrada čestitki, nakita, ukrasnih predmeta i sl.). Od 1995. godine profesionalna krojačica održava početne i napredne kurseve šivenja i krojenja, i na stotine zadovoljnih polaznica je sa uspjehom završilo kurseve, te danas žive od svog vlastitog rada.

Na kreativnim radionicama polaznice su stekle vještine izrade čestitki, slikanja svilenih marama, oslikavanja stakla, izrade nakita, suvenira i slično, te prodajom istih tokom raznih događaja, praznika i akcija uspijevaju ostvariti simboličnu zaradu.

Novina je organizovanje i održavanje radionica izrade praktičnih poklona (torte od pelena i čokoladne ikebane).

2. Kontinuirano posredovanje na tržištu rada, zapošljavanje žena na poslovima čišćenja i održavanja stambenih i poslovnih prostorija.



